

canaliculatis, pedunculis incrassatis, achæniis 8-9 lineas longis etc. differt. *S. crocifolia* Sibth. foliis patulis rigidis latissimè nervosis, caulibus simplicibus, achæniis muriculatis valdè diversa. *S. elata* habitu quoque ad *S. macrospermam* Turcz. cæterùm diversissimam accedit. Legi in collibus Lydiæ et Cariæ plantam meæ speciei quoad capitula et fructus simillimam sed humiliorem et pedalem aut sesquipedalem et foliis angustissimis vix lineam latis distinctam. Hanc meæ speciei ut varietatem *angustifoliam* adjicio.

**SCORZONERA ARGYREA** Boiss. (Sect. *Euscorzoneræ* DC.)

Sc. tota lanâ densissimâ adpressâ sericeo-argenteâ obtecta, radice tuberosâ, caulibus pumilis inclinatis foliosis simplicibus aut ramulo laterali auctis, foliis radicalibus ovato-oblongis in petiolum brevem attenuatis acutiusculis, caulinis sessilibus breviter ovatis acutis, capitulis e foliis breviter exsertis terminalibus solitariis, involucri lanâ longâ obtekti phyllis lanceolatis acutis exterioribus plus dimidiò brevioribus, flosculis involucri non superantibus, achæniis glaberrimis obsolete tuberculatis pappo rufescenti multiseto eis paulò longiori terminatis, setis omnibus a basi ad apicem plumosis.

Hab. in *Cariâ* undè duo tantùm specimina attulit Chr. Pinard.

Caules 4-5 pollicares inclinati, folia inferiora 2 ½ pollices longa ferè 10 lineas lata, caulina ferè 9-10 lineas longa 6-7 lata, capitula magnitudinis eorum *S. eriophoræ* DC. Indumentum densissimum adpressum niveum nitidum.

**PICRIS OLYMPICA** Boiss. (Sect. *Eupicris* DC.)

P. perennis tota pilis apice breviter glochidiatis aspera, foliis omnibus radicalibus lanceolatis runcinatis dentibus triangulari-lanceolatis acutis, caulibus glabrescentibus pumilis procumbentibus ascendenti-busve tortuoso-incurvis ramosis nudis aut ad dichotomias folio parvo lanceolato-lineari suffultis, pedunculis longis subincrassatis parcè squamulosis apice nigricanti-tomentellis exterioribus dimidiò brevioribus, involucri subbiserialis squamis adpressis lanceolatis nigricantibus medio farinaceo-tomentellis, ligulis subtùs purpurascens, achæniis



subincurvis flavis striatis transversè rugoso-scabris in rostrum brevissimum attenuatis, pappi nivei achænio vix longioris caducissimi setis omnibus plumosis basi inter se coalitis.

Hab. in herbidis regionis alpinæ *Olympi Bithyni* ubi Aug. 1842 legi.

Planta faciei *Oporiniæ autumnalis*. Folia 2-3 pollicaria eis *L. hastilis* similia, caules tortuosi a basi ramosi nudi cum pedunculis vix semipedales, capitula eis *P. hieracioidis* paulò minora. Species ab omnibus biennibus aut perennibus generis caulibus pumilis tortuosis ascendentibus involucrique adpresso nigricanti distincta.

### LACTUCA INTRICATA Boiss. (Sect. *Scariola* DC.)

*L.* perennis humilis dumosa basi suffrutescens, caulibus numerosis a basi dichotomè ramosissimis intricatis parcè puberulis glabrisve glauco-cæsiis, foliis radicalibus petiolo dilatato suffultis caulinisque inferioribus angustè lineari-lanceolatis in lacinias lineares abbreviatas runcinato-pinnatisectis subtùs secùs nervum medium crispo-lanatis, foliis superioribus linearibus denticulatis basi acutè auriculatis, supremis secùs ramulos et ad eorum basin minimis squamæformibus ovato-cordatis, capitulis brevissimè pedicellatis paucifloris, involucri glaberrimi foliolis cæsiis angustè albo-marginatis adpressis inferioribus brevioribus acutis subacuminatis cæteris obtusiusculis, achæniis..... rostro eis subæquilongo superatis, pappi sordidi albi setis sub lente valido scabridis.

Hab. in siccis regionis alpinæ superioris *Cadmi* occidentalis suprâ *Gheyra* et *Tmoli* orientalis occidentalisque. Legi Jun. 1842.

Caulis a basi ramosissimi dichotomi dumos intricatissimos subspinescentes vix pedem dimidium altos formantes, folia inferiora bipollicaria in lacinias runcinatas angustè lineares valdè longitudine variantes dissecta. Capitula parva pauciflora subcylindrica 4-5 lineas longa. Infausto casu nec colorem florum jam emarcidorum nec formam achæniorum in speciminibus meis fructiferis abortivorum videre potui. Species distinctissima propè *Lact. tenerrimam* et affines collocanda habitu mirè *Zollikoferiam chondrilloidem* referens sed minor, magis